



KEMENTERIAN PERALIHAN TENAGA  
DAN TRANSFORMASI AIR

# KENYATAAN MEDIA

## ANUGERAH TENAGA KEBANGSAAN 2025 : PETRA PELAWA PENYERTAAN PEMAIN INDUSTRI TENAGA LESTARI, TONJOL KEMAMPUAN DAN KEPAKARAN INDUSTRI TEMPATAN

**PUTRAJAYA, 17 November 2024-** Kementerian Peralihan Tenaga dan Transformasi Air (PETRA) ingin mempelawa pemain industri serta entiti yang berkeelayakan untuk menyertai Anugerah Tenaga Kebangsaan atau *National Energy Awards* (NEA) Tahun 2025. Edisi Kelima NEA ini akan dibuka untuk penyertaan mulai 18 November 2024 sehingga 19 Februari 2025.

Penganjuran NEA oleh PETRA dan Malaysia Green Technology & Climate Change Corporation (MGTC) selaku Sekretariat NEA, bertujuan untuk mengiktiraf usaha dan amalan terbaik industri tenaga lestari tempatan di dalam mengaplikasi teknologi tenaga boleh baharu (TBB) dan penerapan amalan kecekapan tenaga. Sejak diperkenalkan pada tahun 2018, NEA telah berjaya menarik penyertaan 1,147 pemain industri dan entiti yang berkeelayakan dengan 169 pemenang NEA telah dipilih untuk mewakili negara di dalam ASEAN Energy Awards (AEA).

Bersempena kepengerusian Malaysia untuk ASEAN, PETRA berhasrat untuk meneruskan keunggulan wakil negara di dalam Majlis Penyampaian Anugerah AEA Tahun 2025 yang akan diadakan di Kuala Lumpur. Sehubungan itu, pemain industri dan entiti yang berkeelayakan yang telah melaksanakan dan mengaplikasi teknologi TBB atau amalan kecekapan tenaga, adalah dijemput untuk mengemukakan penyertaan untuk NEA Tahun 2025 berdasarkan 4 kategori khusus seperti berikut:

- a. Kategori 1: Pengurusan Tenaga (Energy Management)
- b. Kategori 2: Bangunan Cepak Tenaga (Energy Efficient Building)
- c. Kategori 3: Tenaga Boleh Baharu (Renewable Energy); dan
- d. Kategori 4: Anugerah Khas

PETRA yakin bahawa NEA akan menyediakan peluang dan platform terbaik untuk perkongsian amalan dan pelaksanaan terbaik dalam bidang TBB dan kecekapan tenaga, selain membuktikan keupayaan industri tempatan untuk menampilkan idea dan penyelesaian inovatif dalam mengoptimumkan pembekalan serta menggalakkan penggunaan tenaga lestari.

Maklumat lanjut mengenai NEA 2025 boleh dilayari di laman sesawang <https://www.nationalenergyawards.com.my>.

**KEMENTERIAN PERALIHAN TENAGA DAN TRANSFORMASI AIR  
(PETRA)**

**17 NOVEMBER 2024**

---

Unit Komunikasi Korporat | Kementerian Peralihan Tenaga dan Transformasi Air (PETRA)

